

Жеке кәсіпкерлерді мемлекеттік тіркеу үшін алым ставкаларын, жеке кәсіпкерді мемлекеттік тіркеу туралы куәліктің нысанын бекіту туралы

Күшін жойған

Қазақстан Республикасы Үкіметінің 2001 жылғы 6 желтоқсандағы N 1586 Қаулысы. Күші жойылды - ҚР Үкіметінің 2008 жылғы 31 желтоқсандағы N 1325 Қаулысымен.

Ескерту. Қаулының күші жойылды - ҚР Үкіметінің 2008.12.31. N 1325 (2009 жылғы 1 қаңтардан бастап қолданысқа енгізіледі) Қаулысымен.

Қолданушылардың назарына!

Өзгертулер қабылданған - ҚР Үкіметінің N 352 (2010 жылғы 13 тамыздан бастап қолданысқа енгізіледі) Қаулысымен.

"Жеке кәсіпкерлік туралы" Қазақстан Республикасының 2006 жылғы 31 қаңтардағы Заңына және "Салық және бюджетке төленетін басқа да міндетті төлемдер туралы" Қазақстан Республикасының 2001 жылғы 12 маусымдағы Кодексіне (Салық кодексіне) сәйкес Қазақстан Республикасының Үкіметі қаулы етеді:

Ескерту. Кіріспеге өзгерту енгізілді - ҚР Үкіметінің 2006.08.21. N 792 (ресми жарияланған күнінен бастап қолданысқа енгізіледі) қаулысымен.

1. Қоса беріліп отырған:

жеке кәсіпкерлерді мемлекеттік тіркеу үшін алым ставкалары;
жеке кәсіпкерді мемлекеттік тіркеу туралы куәліктің нысаны бекітілсін.

2. "Кәсіпкерлік қызметпен айналысатын жеке тұлғаларды тіркеу үшін алым төлеудің және оның ставкаларының тәртібін бекіту туралы" Қазақстан Республикасы Министрлер Кабинетінің 1995 жылғы 28 шілдедегі N 1037 қаулысының (Қазақстан Республикасының ПҮКЖ-ы, 1995 ж., N 26, 304-құжат) күші жойылды деп танылсын.

3. Қазақстан Республикасының мемлекеттік органдары 2002 жылғы 1 қаңтарға дейін өздерінің бұрын қабылданған нормативтік құқықтық кесімдерін осы қаулыға сәйкес келтірсін.

4. Осы қаулы 2002 жылғы 1 қаңтардан бастап күшіне енетін осы қаулының 1, 2-тармақтарын қоспағанда, қол қойылған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы
Үкіметінің

бекітілген

**Жеке кәсіпкерлерді мемлекеттік тіркеу үшін
алым ставкалары**

Жеке кәсіпкерлерді мемлекеттік тіркеу үшін алым ставкалары:

1) жеке кәсіпкерлер ретінде Қазақстан Республикасының аумағында заңды тұлға құрмай кәсіпкерлік қызметті жүзеге асыратын жеке тұлғаларды мемлекеттік тіркеу кезінде алым төлейтін күнге қолданылып жүрген төрт еселік айлық есептік көрсеткішті құрайды;

2) мемлекеттік тіркелгенін куәландыратын құжаттың телнұсқасын алған кезде осы қосымшаның 1) тармақшасында белгіленген алым ставкасының жиырма бес пайызын құрайды.

Қазақстан Республикасы
Үкіметінің
2001 жылғы 6 желтоқсандағы
N 1586 қаулысымен

бекітілген

Ескерту. Нысанға өзгерту енгізілді - ҚР Үкіметінің 2006.08.21. N 792 (ресми жарияланған күнінен бастап қолданысқа енгізіледі) қаулысымен.

**ҚАЗАҚСТАН РЕСПУБЛИКАСЫ ҚАРЖЫ МИНИСТРЛІГІНІҢ
САЛЫҚ КОМИТЕТІ**

Қазақстан
Республикасының
Салық комитеті
елтаңбасы

**Жеке кәсіпкерді мемлекеттік тіркеу туралы
КУӘЛІК**

Сериясы N

Салық төлеушінің атауы " _____ "

Тегі _____

Аты _____

Фотосуретке

Әкесінің аты

_____ арналған

С Т Н

_____ о р ы н

Артқы беті

Жеке басты куәландыратын құжат _____

Тіркеу органының тіркеу нөмірі _____

Тіркелген күні _____

Салық органының басшысы: _____
аты-жөні

қолы _____ М.О.

Берілген күні _____

Қолданылу мерзімі _____
(жеке кәсіпкердің өтініші бойынша)